



Broj: 13-11-4-7290/24
Sarajevo, 16.10.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

ODLUKU

o izboru najpovoljnijeg ponuđača

I

Za najpovoljnijeg ponuđača za javnu nabavku usluga „Usluge nadzora nad izgradnjom, sanacijom i održavanjem cesta, pješačkih staza i rekonstrukcije objekata uz saobraćajnicu na području Općine Novo Sarajevo“, po provedenom postupku javne nabavke putem otvorenog postupka javne nabavke izabran je slijedeći ponuđač:

CPK d.o.o. Banja Luka
sa ukupnom cijenom od 11.700,00 KM
(slovima: jedanaest hiljadasedamstotina i 00/100 konvertibilnih maraka) sa PDV-om

II

Za izvršenje ove Odluke zadužuje se Služba za komunalne i stambene poslove i saobraćaj.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-7290/24 od 03.09.2024. godine.

Procijenjena vrijednost javne nabavke sa PDV-om je: 18.000,00 KM (slovima: osamnaest hiljada i 00/100 konvertibilnih maraka).

Obavještenje o javnoj nabavci broj: 935-1-2-184-3-273/24 objavljeno je na portalu javnih nabavki 16.09.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 08.10.2024. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	FM INŽENJERING d.o.o. Sarajevo	15.502,50 KM
2.	CPK d.o.o. Banja Luka	11.700,00 KM
3.	SMAJIĆ INŽENJERING d.o.o. Goražde	4.972,50 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponude ponuđača FM INŽENJERING d.o.o. Sarajevo i CPK d.o.o. Banja Luka su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača SMAJIĆ INŽENJERING d.o.o. Goražde Komisija je ocijenila kao **neprihvatljivu** iz slijedećih razloga:

Tenderskom dokumentacijom u tački 7.4.1. a) kao dokaz ispunjavanja uslova tehničke i profesionalne sposobnosti ponuđača zahtijevane su 2 (dvije) potvrde o uspješnoj realizaciji ugovora, a koji se odnose na usluge vršenja nadzora nad održavanjem cesta, pješačkih staza i rekonstrukcije objekata uz saobraćajnicu. U napomeni iste tačke navodi se: „U potvrdama mora biti jasno iskazano da su se uspješno realizovani ugovori odnose na usluge vršenja nadzora nad održavanjem cesta, pješačkih staza i rekonstrukcije objekata uz saobraćajnicu, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.“

Ponuđač SMAJIĆ INŽENJERING d.o.o. Goražde je u sklopu svoje ponude dostavio dvije potvrde o uspješnoj realizaciji ugovora i to kako slijedi:

- Potvrda o uredno izvršenom ugovoru, izdata od strane Općine Novo Sarajevo, dana 07.02.2023. godine;
- Potvrda o zadovoljavajućoj izvedbi radova, izdata od strane Općine Novo Sarajevo, dana 30.04.2021. godine.

Na potvrdi o zadovoljavajućoj izvedbi radova, izdata od strane Općine Novo Sarajevo, dana 30.04.2021. godine, jasno je navedeno da je ponuđač SMAJIĆ INŽENJERING d.o.o. Goražde izvodio usluge stručnog nadzora na održavanju objekata uz saobraćajnicu – potporni zidovi na području Općine Novo Sarajevo u 2020/2021 godini bez navođenja tačnog datuma izvršenja usluga. Samim time što je potvrda izdata dana 30.04.2021. godine može se doći do zaključka da su predmetne usluge izvršene u periodu koji je prethodio navedenom datumu.

Općina Novo Sarajevo, kao ugovorni organ, je jasno zahtijevala da u potvrdama mora biti jasno iskazano da su se uspješno realizovani ugovori odnose na usluge vršenja nadzora nad održavanjem cesta,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



pješćakih staza i rekonstrukcije objekata uz saobraćajnicu, u posljednje 3 (tri) godine, računajući od dana objave Obavještenja o predmetnoj javnoj nabavci.

Nadalje, tenderskom dokumentacijom u tački 7.4.1. b) kao dokaz ispunjavanja uslova tehničke i profesionalne sposobnosti ponuđača zahtijevane su diplome za stručna lica koja će biti angžavovana na realizaciji predmetnih usluga uz napomenu da ovjerene kopije diplome moraju biti nostrificirane, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine.

Ponuđač SMAJIĆ INŽENJERING d.o.o. Goražde je u sklopu svoje ponude dostavio diplomu za diplomiranog inženjera građevinske struke, Dragana Vučurevića, koja je izdata 08.09.1992. godine na Univerzitetu u Beogradu, Republika Srbija. Uz istu diplomu nije dostavljen dokaz o nostrifikaciji.

Iz naprijed navedenih razloga, ponuda ponuđača SMAJIĆ INŽENJERING d.o.o. Goražde se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	CPK d.o.o. Banja Luka	11.700,00 KM
2.	FM INŽENJERING d.o.o. Sarajevo	15.502,50 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 11.700,00 KM (slovima: jedanaesthiljadasedamstotina i 00/100 konvertibilnih maraka) sa PDV-om, te da se ponuđaču CPK d.o.o. Banja Luka dodijeli Okvirni sporazum.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

Dr. Hasan Tanović

DOSTAVLJENO:

- FM INŽENJERING d.o.o. Sarajevo
- CPK d.o.o. Banja Luka
- SMAJIĆ INŽENJERING d.o.o. Goražde

Općina Novo Sarajevo, ulica Zmaja od Bosne br. 253, centrala telefon (387 33) 492 100
Služba za zajedničke poslove
tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Perćehi broj: 0170333000
Depozitni račun 1411965320011288 Bosna Bank International d.d.

